

**BOSNA I HERCEGOVINA
FEDERACIJA BOSNE I HERCEGOVINE
UNSKO – SANSKI KANTON
OPĆINSKI SUD U BIHAĆU
Broj: 017-0-Su-23-000400
Bihać, 22.03.2023.godine**

Na osnovu člana 47. Zakona o sudovima u Federaciji Bosne i Hercegovine („Službene novine Federacije Bosne i Hercegovine“, broj 38/05,22/06,63/10, 72/10, 7/13,52/14 i 85/21), člana 7. stav 2. tačka g., člana 8. stav 1. tačka j. i člana 73. Pravilnika o unutrašnjem sudskom poslovanju („Službeni glasnik Bosne i Hercegovine“, broj:66/12, 40/14, 54/17, 60/17 i 30/18), predsjednik Općinskog suda u Bihaću, dana 22.03.2023.godine, donosi:

ODLUKU

1. Uvodi se upisnik ovjere potpisa „OV“ u Općinskom sudu u Bihaću.
2. Upisnik iz tačke 1. ove Odluke uvodi se za ovjere potpisa na slijedećim ispravama neophodnim kao uslov punovažnosti za upis u zemljišne knjige:
 - a.) ugovori o prenosu prava vlasništva na nekretninama i
 - b.) punomoći za sklapanje ugovora o prenosu prava vlasništva na nekretninama
3. Za obavljanje poslova ovjere potpisa na isprava iz tačke 2. Odluke ovlašćuje se:
 - Emina Dupanović – Viši referent za ovjeru dokumenata
 - Alma Beganović - viši referent za upisnik u prekršajnom odjeljenju
4. Za podnesak (obrazac br. 1 – u prilogu) kojim se traži ovjera potpisa plaća se taksa u iznosu od 5,00 KM u skladu sa Tarifnim brojem 9. stav. 1. Zakona o sudskim taksama USK („Sl. glasnik USK-a“ broj 10/19 i 25/20)
5. Za ovjeru svakog potpisa (rukoznaka) plaća se taksa u iznosu od 5 KM u skladu sa Tarifnim brojem 9. stav. 2. Zakona o sudskim taksama. („Sl. glasnik USK-a“ broj 10/19 i 25/20)
6. Za ovjeru potpisa na punomoći (pored takse na podnesak) plaća se taksa u iznosu od 10,00 KM, u skladu sa Tarifnim brojem 9. stav. 6. Zakona o sudskim taksama („Službeni glasnik USK-a“ broj 10/19 i 25/20).
7. Ovjera iz člana 2. ove Odluke vršiće se svakim radnim danom u periodu od 12 – 15 sati.
8. Odluka stupa na snagu sa danom donošenja i primjenjuje se od 27.03.2023.godine.

O b r a z l o ž e n j e

Odlukom Vrhovnog suda Federacije Bosne i Hercegovine, br. 70 0 Dn 009610 22 Spp od dana 08.12.2022. godine, izraženo je pravno shvatanje da „potpisi ugovarača na ugovorima o prenosu prava na nekretninama moraju biti ovjereni bilo

od strane notara, bilo od strane suda kao uslov punovažnosti za upis u zemljišne knjige.

Dopisom Visokog sudskog i tužilačkog vijeća Bosne i Hercegovine, br. 01-50-2-99-7/2023 od 17.02.2023. godine, ukazano je na Odluku Vrhovnog suda Federacije Bosne i Hercegovine, br. 70 0 Dn 009610 22 Spp od dana 08.12.2022. godine – pravno shvatanje građanskog odjeljenja koje je u skladu sa odredbom člana 18. Pravilnika o unutrašnjem sudskom poslovanju dostavlja nižim sudovima i upućujućeg je karaktera.

Istim dopisom posebno je ukazano na odredbu člana 8. Pravilnika o unutrašnjem sudskom poslovanju – dužnosti predsjednika suda, a u vezi sa članom 7. – poslovi sudske uprave.

Pravilnikom o unutrašnjem sudskom poslovanju („Službeni glasnik BiH), broj: 66/12,40/14,54/17,60/17 i 30/18), tačnije odredbom člana 7. stav 2. utvrđeni su poslovi sudske uprave, među kojima su i poslovi ovjere isprava iz nadležnosti sudova.

Zakonom o sudovima Federacije Bosne i Hercegovine (Službene novine Federacije BiH“ broj: 38/50, 22/06, 63/10, 72/10, 7/13, 52/14 i 85/21) utvrđena je nadležnost općinskih sudova u Federaciji Bosne i Hercegovine, među kojima u članu 27. stav. 4. tačka h) da „vrše druge poslove određene zakonom“.

Zakonom o ovjeravanju potpisa, rukopisa i prepisa („Službeni list SR BiH“ broj: 37/71, 39/75 i 42/89), tačnije odredbom člana 2. stav 2. propisano je: „ovjeravanje potpisa u zemljišnoknjižnim stvarima vrši i osnovni sud“.

Obzirom na navedeno, uzimajući u obzir citirane odredbe važećih zakona i podzakonskih akata, u skladu sa utvrđenim nadležnostima suda i poslovima sudske uprave, odlučeno je kao u izreci.



Predsjednik suda
Aladin Bajrić

Prilog:

-obrazac br. 1. (zahtjev za ovjeru potpisa)

Dostavljeno:

- oglasna ploča *u*
- šefu odsjeka sudske pisarnice i prijemne kancelarije
- višem referentu na poslovima ovjere potpisa *u*
- a/a

23.03.2023. *h*

PODNOŠILAC ZAHTJEVA:

1. _____
2. _____
3. _____
4. _____
5. _____

Datum: _____ .2023. godine

OPCINSKOM SUDU U BIHAĆU
Zahtjev za ovjeru potpisa

Molim naslov da izvrši ovjeru potpisa na slijedećoj ispravi:

ZAOKRUŽITI:

1. Ugovor o prenosu prava vlasništva na nekretninama
2. Punomoć za sklapanje ugovora o prenosu prava vlasništva na nekretninama

Uz zahtjev prilažem dokaz o uplati sudske takse u skladu sa Tarifnim brojem 9. Zakona o sudskim taksama („Službeni glasnik USK-a“ br.10/19 i 25/20).

Potpis podnosioca zahtjeva:

